



ACTA DA SESIÓN 6ª DE BAREMACIÓN DOS CONCURSOS DO TRIBUNAL NÚMERO 3 DOS PROCESOS SELECTIVOS PARA A COBERTURA DAS PRAZAS INCLUIDAS NO PROCESO EXTRAORDINARIO DE ESTABILIZACIÓN DE EMPREGO TEMPORAL AO ABEIRO DA DISPOSICIÓN ADICIONAL 6ª DA LEI 20/2021, INCLUÍDAS NA OFERTA DE EMPREGO PÚBLICO EXTRAORDINARIA DO ANO 2022

Sendo as 13:10 horas do día 27 de xullo de 2023, en sesión telemática celebrada no Concello de Bergondo, consonte coa previsión contida na Base 9ª, apartado 6, das Bases xerais reguladoras das convocatorias e procesos selectivos referentes ás prazas incluídas na Oferta Pública de Emprego extraordinaria para a estabilización do emprego temporal do Concello de Bergondo do ano 2022 aprobada por Resolución desta alcaldía núm. 543/2022, do 18 de maio (BOP núm. 97 do 24.05.2022 e DOG núm. 101 do 27.05.2022), ao abeiro da Disposición Adicional 6ª da Lei 20/2021, do 28 de decembro, de medidas urxentes para a redución da temporalidade no emprego público, publicadas (BOP núm. 243 do 26.12.2022), reúnen os membros do Tribunal de selección consonte coa composición determinada na Resolución de Alcaldía núm. 792/2023, do 4 de xullo (BOP núm. 129 do 07.07.2023) e convocados pola mesma, que a continuación se relacionan:

Presidente: Amparo Iglesias Puente (funcionaria de carreira de administración especial do Concello de Bergondo)

Vogais:

Laura Gutierrez Ortíz (funcionaria de carreira con habilitación de carácter nacional do Concello de Bergondo)

Federico Suárez Cancelo (funcionario de carreira con habilitación de carácter nacional do Concello de Oroso)

Gema Vázquez López (funcionaria de carreira con habilitación de carácter nacional do Concello de Culleredo)

Secretaria: Ana María Cacharrón Castelos (funcionaria de carreira con habilitación de carácter nacional do Concello de Bergondo)

Existindo quórum suficiente para as actuacións do día de hoxe nesta 6ª sesión.

Analízanse as solicitudes de revisión presentadas e que a continuación se relacionan, con indicación de nome e apelidos, número e data de rexistro de entrada e procedemento/s:

Apelidos e nome	NRE/data	Procedemento(s)
Sánchez Suárez, Carla	202399900002852 do 24.07.2023	06.01.00.04
Fernández Pérez, Adriana	202399900002875 do 26.07.2023	06.01.00.02

Polo Tribunal revísanse as valoracións dos méritos correspondentes ás persoas aspirantes que teñen solicitado revisión, co seguinte resultado:

1ª.- Sánchez Suárez, Carla

Solicita que se lle valore correctamente a experiencia formación achegada coa solicitude de participación no proceso selectivo 06.01.00.04 Técnico d eintegración social.

As bases regulan a acreditación e avaliación deste mérito do seguinte xeito:

«3. A puntuación máxima será de 100 puntos.

Valoraranse os seguintes criterios:

A. *Experiencia profesional: ata un máximo de 60 puntos, valorándose os servizos efectivos prestados ata a data de finalización do prazo de presentación de solicitudes de participación na convocatoria, do seguinte xeito:*

- a) *Servizos efectivos prestados na Administración Local, en prazas do mesmo corpo, escala, subescala ou categoría á que se pretende acceder: 0,34 puntos por cada mes completo*
- b) *Servizos efectivos prestados na Administración Local, noutros corpos, escalas, subescalas ou categorías diferentes á praza á que se pretende acceder: 0,19 puntos por cada mes completo*
- c) *Servizos efectivos prestados noutras Administracións Públicas distintas da Local, en prazas do mesmo corpo, escala, subescala ou categoría á que se pretende acceder: 0,19 puntos por cada mes completo*
- d) *Servizos efectivos prestados noutras Administracións Públicas distintas da Local, noutros corpos, escalas, subescalas ou categorías diferentes á praza á que se pretende acceder: 0,17 puntos por cada mes completo*

...//..

4. Os méritos valoraranse con referencia á data de finalización do prazo de presentación de solicitudes de participación no proceso.

Ningún dos requisitos fixados para a participación nas convocatorias dos diferentes procesos selectivos de estabilización regulados nas presentes bases poderán ser considerados e valorados, tamén, como mérito do concurso.

A. *A experiencia profesional acreditarase:*

- *No caso de relación funcional: mediante certificación expedida pola Secretaría do Concello ou órgano competente da Administración Pública correspondente, onde se teñan prestado os servizos que se acreditan e no que conste como mínimo: Servizos prestados en Corpo, Escala, Subescala, Praza ou Plantilla; Grupo/Subgrupo art. 76 RDL5/15; Vínculo; Data de inicio; Data de finalización e xornada de traballo e certificado de vida laboral expedido pola Tesourería Xeral de Seguridade Social*

(...)

En todo caso, da documentación xustificativa que se achegue, deberá concluírse de xeito claro e inequívoco o corpo, escala, categoría profesional ou natureza na que se teñan prestados os servizos que se pretende se valoren. As puntuacións referiranse a cada mes completo de servizos prestados, entendendo que un mes equivale a 30 días naturais. As fraccións de tempo inferiores ao mes puntuaranse proporcionalmente. ...»

Na documentación achegada pola reclamante (certificación de servizos prestados no Concello de Cambre) indícase que os servizos foron prestados «...a xornada completa no posto de técnica de integración social pertencente á escala de Administración especial, clase técnicos auxiliares, pertencente ao grupo de clasificación profesional “B” ...»; a praza convocada pertence ao grupo C1, polo que non procede avaliar a experiencia que acredita no apartado a) da experiencia profesional senón no apartado b) Servizos efectivos prestados na Administración Local, noutros corpos, escalas, subescalas ou categorías diferentes á praza á que se pretende acceder: 0,19 puntos por cada mes completo.

Polo que, por unanimidade, o Tribunal desestima o solicitado e reitérase na baremación efectuada na 3ª sesión do pasado 20 de xullo.

2ª. Pérez Fernández, Adriana

Solicita que se lle valore correctamente a formación achegada coa solicitude de participación no proceso selectivo 06.01.00.02 Traballador/a social.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

«...B.- *Formación: ata un máximo de 40 puntos, valorándose a realización de cursos homologados, polas diferentes Administracións Públicas, ou outras entidades do sector público, ou os realizados no ámbito da formación para o emprego ou os acordos de formación continua cuxo contido estea relacionado coas funcións propias da praza obxecto da convocatoria, e os considerados transversais polo seu interese para todos os postos: os de coñecemento da lingua galega, prevención de riscos, dereitos e deberes dos empregados públicos, igualdade, protección de datos, atención ao cidadán e comunicación, protección do medio ambiente desde o ámbito laboral e os de contido ofimática.*

Valoraranse só os cursos realizados nos últimos 10 anos anteriores á data de finalización do prazo de presentación de solicitudes de participación na convocatoria, agás os de coñecemento da lingua galega, que valoraranse en calquera caso, con independencia do ano no que se realizasen.

Non serán obxecto de valoración os títulos que se esixan como requisito para o acceso a cada convocatoria.

Por grupos e subgrupos de titulación, a táboa de horas requirida para acadar a puntuación máxima será: Grupo A1/I: 200 horas (0,20 puntos/hora) Grupo A2/II: 150 horas (0,27 puntos/hora) Grupo C1/III: 75 horas (0,54 puntos/hora) Grupo C2/IV: 40 horas (1 punto/hora) Grupo AP/V: 25 horas (1,6 puntos/hora)

...:..

B. A formación específica acreditarase mediante a achega do título correspondente ou certificación ou documento acreditativo equivalente de ter realizado o curso ou acción formativa alegados, e que teña sido expedido/emitado polo órgano/autoridade competente da entidade/ organismo organizador ou responsable aos ditos efectos acreditativos. Nos anteditos documentos acreditativos da realización dos cursos/accións formativas deberá constar: a data da súa realización, a súa duración (en horas e/ou créditos), o seu obxecto e/ou materias/temario/contidos impartidos (agás nos cursos monográficos, xornadas, simposios, seminarios, congresos ou similares). De non figurar ou acreditarse ditos extremos, non serán obxecto de valoración. En todo caso, non se terán en conta outras formas de acreditación da formación específica diferentes das previstas nestas bases.

Non se terán en conta, nin serán obxecto de valoración, aqueles méritos que non teñan sido achegados, nin debidamente acreditados, na forma, prazo e con arranxo aos criterios básicos sinalados na presentes bases xerais e/ou de ser o caso, aqueles outros criterios complementarios e prazos concretos sinalados nas correspondentes bases específicas. Os méritos que se acheguen ou acrediten fóra dos prazos concretos sinalados ao efecto nas respectivas convocatorias e bases específicas, serán considerados como achega de documentación fóra de prazo e, polo tanto, non susceptibles de valoración; sen prexuízo dos supostos excepcionais nos que, previo acordo expreso do Tribunal, se poida requirir aclaración, documentación/información aclaratoria e/ou adicional sobre outra previamente achegada en forma e prazo»

Un dos cursos achegados pola reclamante de 60 horas, non cumpre o esixido nas Bases da convocatoria, dado que está impartido por un Colexio profesional pero non recoñecido por ningunha administración pública, polo que non se lle avalía; recollendo nese apartado a puntuación do que sí cumpre que é un curso de 120 horas.

Polo que, por unanimidade, o Tribunal desestima o solicitado e reitérase na baremación efectuada na 4ª sesión do pasado 20 de xullo.

Non sendo outro o obxecto desta sesión, dáse por rematada a mesma, redactándose a presente acta que se asina de xeito telemático a través da sala de sinaturas de portafirmas dependente da Deputación Provincial da Coruña (<https://www.dacoruna.gal/portafirmas/>) por tódolos integrantes do Tribunal e considerándose como lugar de sinaturas aos efectos oportunos o Concello de Bergondo. Dou fe; a secretaria

A Presidenta

Os/as Vogais

A secretaria